

Gvangjsih Minzcuz Bau

Cawiguenj: Gvangsiah Bouxcuengh Swcigh Minzcuz Cunghvau Swvu Veijvenzvei Cawjbanh: Gvangsiah Minzcuz Bause Geiz neix 8 bani
广西民族报 Aenhauhokbanj: CN45-0036 B.2022 Nd.6 Ng.29 Liggaueq nvaemzvinz nienz ndwenroek coit Geizsoq: Gungdhaih 3530 geiz

Liuz Ningz Daengz Bwzswz Bingzgoj Si Diuyenz 刘宁到百色平果市调研

6 nyied 25 hauh, Swcigh Dangj-veij suhgi, Swcigh Yinzda Cangz-veijvei cujyin Liuz Ningz daengz Bwzswz Bingzgoj Si, diuyenz ginghci yinhhengz, saenqhwngh canjnieb, ginghci aen singz hwnghat daengj, giengzdih aeu gyalag roxyiuj gij yiyei gietdingh “song aen dinghlaeb”, giengiet guh daengz “song aen henhoh”, haeujlaeg gvancez doeksaed gij cingsaenz gangviah youqgaenj “4·27” Siz Ginbingz cungjsuhgi cazyawj Gvangjsih caeuq baenzroix iugouz ciji youqgaenj naeuz hong Gvangjsih, caezcienz, cinjdeng, cienzmienh gvancez leixniemh hwnghat moq, doeksaed gij iugouz youqgaenj “binghraq aeu fuengz ndaej, ginghci aeu onj ndaej, hwnghat aeu ancienz”, haenqrenz fatyienz dang-
rap caenguh, gyavaiq canjnieb cienjhingz swnggaep, doidoengh ginghci aen singz hwnghat youh ndei youh vaiq, gietsim comz rengz cauhaeb aen Gvangjsih gyaundeisei cuji miz daegsaek Cungguek seizdaih moq, yungh hengzdoengh saedsaeh ciepcoux Ngeihcib Daih Dangj hai ndaej baenz.
Liuz Ningz bae daengz suen canjnieb Bingzgoj Si, haeuj daengz Gvangjsih Daswngh Sinhwnghzyenz Gohgi Youjhan Gunghsw, Gvangjsih Hinghyez Caizliu Gohgi Youjhan Gunghsw, Gvangjsih Vazleij Sinhcaizliu Youjhan Gunghsw caeuq Cunghlij Gvangjsih Fwnhgunghsw aen cehgenh guhhong, dieghong hanghmoeg caeuq aen ding langhbaiej huq, caz yawj huq, cam loh gai, caez maeuz hwnghat, gienqmienx caezgya doekrag Bwzswz, gaemdawz seizgei, haenqrenz guh hung guh ak guh ndei. Liuz Ningz giengzdih, aeu yungh ndei giendei swhyenz miz daegsaek deihfueng, haeujlaeg hengzguh aen canloz gyaepdoengh cauhamoq, gyalai rengz gag cauhamoq gohgi, gyavaiq canjnieb cienjhingz swnggaep, haenqrenz hwnghat gyagoeng lij cingmaed, hawj huq lai dij cienz, doidoengh lij canjnieb hwnghat coh miz daegsaek, hab swnghdai, hab cinwnghz, bangdoi Gvangjsih lij canjnieb gezgou daj canjnieb swhyenzhingz cienjbienq coh canjnieb caizliu moq caeuq gauhdonh cicauyez.
Gvangjsih Bingzgoj Denhswng Giujyez Douzsw Youjhan Gunghsw, doenggvaq gij vunqsik “gunghsw + dieggok + nungzhu”, hwnghat dieggok yenzliu mbawcaz youjgih 12 fanh moux, cigsoh daiqdoengh 1.8 fanh boux ndaem gocaz vutgungz baenzmiz. Liuz Ningz ciengzsaed roxyiuj gij cingzgvang yenzfaz huq caeuq hwnghat hanghmoeg 3 fanh cien swng laeuj caz gauhdonh aen giyez neix, maqmuengh giyez haenqrenz doicaenh huq cauhamoq, gisuz cauhamoq, daezswng rengz doxceng vaedsim, dajcauh binjbaiz mizmingz, engq ndei haigvangq hawciengz. Doengzseiz, laebdaeb yungh ndei gij cozyung aen giyez lingxdaeuz nungzyez canjyezva, daiqdoengh ginghci dangdieg hwnghat caeuq vunzlai demsou baenzmiz, gaenxmaenx bangrenz saenqhwngh lajmbanj.
(Cinz Yizcwz)



Sanhgyangh: Hag Cimq Caz Lai Rox Dinfwngz 三江:乐学茶艺添技能

6 nyied 26 hauh, bouxcos Mbanjdung cingq youq Sanhgyangh Duncuz Swciyen Gujyiz Cin hag dinfwngz cimq caz. Mboengqneix, aen yienh neix banh aen ban sonlien vwnzva caz, cimq caz Gvangjsih Gvangjdungh doxgap saenqhwngh lajmbanj bi 2022, 30 boux yozyenz comz hag 5 ngoenz, hag gij caizhag gihbwnj vwnzva caz, gij laex cimq caz, cimq caznding cazloeg daengj dinfwngz, hawj bouxcos Mbanjdung lai rox lijln vwnzva caz caeuq dinfwngz cimq caz.
(Gungdh Bujangh ingi)

Gvangjsih Guh Cienhangh Doxdax Cukmaenh Gij Eiqsik Caezcaemh Cunghvaz Minzcuz 广西开展铸牢中华民族共同体意识专项比赛

Mboengqneix, baez doxdax caizhag Gvangjsih “bouxcoz daih hagsib” bi 2022 nem daengx gih bouxcos nyezrauh cienhangh doxdax cukmaenh gij eiqsik caezcaemh Cunghvaz Minzcuz lajsienq gietsaiq youq Gvangjsih Minzcuz Dayoz banh.
Baez doxdax neix dwg Gungcinghdonz Gvangjsih Gihveij, Swcigh Minzcunghveij, Swcigh Gyauyuzdingh lienhab cawjbanh. Doxdax faen baenz gwnzsienq caeuq lajsienq song dingz, gwnzsienq doxdax daj 3 nyied 21 hauh daengz 5 nyied byai gietsat, moix singgeiz geiz ndeu, gungdh 10 geiz, yinx ndaej donzyenz bouxcos mauhgvaq 100 fanh vunzbaez camgya. Lajsieng doxdax daj 4 nyied youq daengx gih gak gaep donzcujciz laebdaeb guh, giengvauq senj baez dem baez, gungdh miz 75 aen doih ndaej haeuj fuksaiq, 13 aen doih ndaej haeuj gietsaiq. Giengvauq doxdax haeng, aen doih Gungcinghdonz Hozciz Yozyen Veijyenzei ndaej it daengjciengj.
Ciuq cam rox, Gungcinghdonz Gvangjsih Gihveij gaemdawz “bouxcoz daih hagsib” neix, gaenxmaenx damqra gij hingzsiq moq aeu doxdax bang hagsib, daj bi 2020 haendu, binaengz yungh aen cawjdaez ndeu guh aen doxdax caizhag Gvangjsih “bouxcoz daih hagsib”, seizneix gaengq banh baenz 3 gaiq. Doenggvaq gwnzsienq lajsienq doxdax, hawj bouxcos lai rox lijln senhcin dangj, yungh gij fuengsik bouxcos nyezrauh dingq ndaej rox, geiq ndaej maenh gangj laeg, gangj laemj, gangj lix gij cingsaenz gangviah youqgaenj Siz Ginbingz cungjsuhgi, hawj hagsib engq mizyinx, gikcoi gyoengq bouxcos nyezrauh geiqmaenh vahdaengq Siz Ginbingz cungjsuhgi, gyalag roxyiuj gij yiyei gietdingh “song aen dinghlaeb”, giengiet guh daengz “song aen henhoh”, dazyinx daengx gih donzyenz bouxcos guh boux doidoengh, boux hengzguh, boux camgya hwnghat aen gih yienghndei cukmaenh gij eiqsik caezcaemh Cunghvaz Minzcuz, vih gietsim comz rengz cauhaeb aen Gvangjsih gyaundeisei cuji miz daegsaek Cungguek seizdaih moq ok rengz bouxcos.
(Lij Sinh)